

# **Landesbibliothek Oldenburg**

## **Digitalisierung von Drucken**

**Henr. Ioh. Nepom. Crantz S.C.A. Maiestat. Consiliar.  
Institut. Med. Et Mater. Medic. Vindob. Profes. Pub. Ord.  
Acad. Imp. Nat. Curios. Et Societ. Botan. Flor. Sodal.  
Materiæ Medicæ Et Chirurgicæ ...**

**Crantz, Heinrich Johann Nepomuk**

**[Wien], 1765**

**II. Alcalescentia, Antiscorbutica.**

**urn:nbn:de:gbv:45:1-10189**

## II. ALCALESCENTIA, ANTISCORBUTICA.

**ALLIUM** *Offic. Botanicorum. Classis Naturalis  
Liliorum. Germ. Knoblauch. Galli Ail. Anglis Garlick.*

**A**LLIUM sativum, seu vulgare, flaminibus alterne trifidis, foliis gramineis, capite bulbifero, radibus in unum bulbum congruentibus. **H. A. L. Philosoph. Transact.** Hoc graveolens, acre, subcausticum, salem volatilem concretum continere **NEUMANN**, penetrabilissimum esse, ex ulcere olens **KERKINGIUS**, ex sudore **PAULIN** observarunt; ad hæc infusum obstruetam urinam solvere **BLAIR**, prodeesse calculosis omnium fere experientia, etiam in prophylaxin sumptum **Ephem. N. C. HOYERUS**, specifice podagræ mederi, **TILEMAN**, a causa acida; ad vermes expertus laudat **BINNINGERUS**: Est etiam in hydrope diureticum potens, quo etiam hic morbus sæpe percuratur, in colica carminans, in hysterica passione naribus suppositum excitans: Ut spiritu frumenti, cui allium infusum, se perfricet æger in tympanitide, author est **BORRICHIIUS de usu plantarum indigenarum**.

**ALLIARIA** *Offic. ERYSIMUM Botanicorum. Classis Naturalis Cruciform. Germ. Knoblauch-kraut. Anglis Lack by the Hedge.*

**ALLIARIA** *foliis cordatis*, interno raro usu, externo ad gangrenam plurima, non omnibus recepta officinis est.

BEC-

BECCABUNGA *Off. VERONICA Botanicorum.* Classis Naturalis Ringentium. *Germ.* Bachbungen. *Anglis* Brooklime.

VERONICA *aquatica*, *foliis ovatis, racemis lateralibus*; succo saponaceo aliis antiscorbuticis mitiori, plena, multum in referandis viscerum obstructionibus utilis, etiam in morbis cutaneis, ictero, laudata, in scorbuto maxime deprædicatur, fero lactis ad manipulum unum, duos, quatuor, decocta, etiam in succo expresso, defæcato, sumpta unciarum duarum mensura, bis ter de die; Adhæc iuvat ab acido ortani podagrum diu adhibita.

Prostat conserva.

BRASSICA *vide P.I. p. 19. 20.*

CEPA *Offic. ALLIUM Botanicorum.* Classis Naturalis Liliorum. *Germ.* Zwiebel. *Gallis* Oignon. *Anglis* Onyon.

ALLIUM *staminibus alterne trifidis, caule ad terram ventricoso.* HALL. Aquæ septem octavas partes, & plurimum salis volatilis concreti, destillatum largitur, NEUMANN, ut magna vis in aqua stillatitia sit. IDEM. Cepæ vires calculum confringendi a plurimis adscriptæ, an veræ? Cocti, in cataplasma redacti bulbi, admodum maturant, etiam bubones KRAMER. *Commenc.* Litterar. Norimberg.

COCHLEARIA *Offic. Botanicor.* Classis Natur. Cruciform. *Germ.* Leffelkraut. *Gallis* Herbe aux Cuilliers. *Anglis* Scurvy-grass.

COCHLEARIA *folio radicali subrotundo; scorbuticis sacra, acrior quandoque, aliis temperanda.* Grœn.



Grænlandis ex acetosa, & cochlearia simul crescentibus, in scorbuto salus, BARTHOLINUS. Valet etiam in scelotyrbe, hydrope, asthmate, orthopœa; specificè diureticam LINNÆUS habet. Manipulus semis infunditur seri lactis libræ uni: succus per chartam bibulam defæcatus, datur cochleatim, solus, vel sero laetis permixtus, ab uncia semis ad unam pro dosi. Succus cochleariæ cum vino pressus, præsentaneo ischuriæ remedio fuit, Ephem. N. C. Conserva recens utilis: Egregia aqua stillatitia, bona in cancro oris aquatico, ut & Spiritus.

DRABA Off. Lepidium Botanicorum, Classis Naturalis Cruciform.

LEPIDIUM foliis lanceolatis, amplexicaulibus, dentatis, in Austria adeo frequens, nondum officinis recepta, an non tanta copia nascitur, ut a vinis acidis, ortis malis medeatur?

ERUCA Offic. Brassica Botanicorum. Classis Naturalis Cruciform. Germ. weißer garten Rauckenhoff. Anglis Rocket. Gallis Roquette.

BRASSICA foliis lyratis, caule hirsuto, siliquiss glabris, acris, graveolens, acetariis stimuli loco additur; viscidos humores incidit, solida stimulat, in asthmate, lethargo, paralyſi, hydrope, apoplexia serosa, laudanda in vino infusa: semen masticatum apophlegmatisans. In infuso vinoso, seroso, pugilli tres, Manip. Semis. Pulvis seminum a granis decem, ad quindecim pro dosi, etiam liberalius frigidis, datur.

ERY-



ERYSIMUM *Offic.* *Botanicorum.* *Classis Natur-*  
*ralis Cruciform.* *Germ.* *Wegsenff.* *Gallis Velar.*  
*Anglis Hedgemustard.* *Italis Erysimo.*

ERYSIMUM *siliquis cauli appressis,* gustu acre,  
urens, pituitam potenter incidens, morbis pituitosis  
pulmonum abs febre, plurimum utile. Pulverem se-  
minum contra calculum, drachmæ unius portione, in  
albo vino valere, **FONTANUS.**

*Syrupus de Erysimo in asthmate, & lentore acido,*  
*egregius.*

NASTURTIUM HORTENSE *Offic.* LE-  
PIDIUM *Botanicorum.* *Classis Natur.* *Cru-*  
*ciform.* *Germ.* *Garten Kresse.* *Anglis Garden*  
*cresses.* *Gallis Cresson alenois.*

LEPIDIUM *foliis oblongis, multifidis, incisis.*  
Acris diuretica planta, valet in iisdem casibus: adiunt  
etiam præter herbam in officinis semina. Doses prio-  
rum. *Aqua stillatitia ad vesicæ calculos mire præstans*  
habetur. **HARTMANN.** *Praxi Chymiatr.*

NASTURTIUM AQUATICUM *Offic.*  
*Botanicorum Sisymbrium.* *Classis Naturalis*  
*Cruciform.* *Germ.* *Wasser-Kresse.* *Anglis Wa-*  
*ter-Cresses.* *Gallis Cresson.*

SISYMBRIUM *foliis pinnatis, angulosis, flo-*  
*ribus super folia vix elatis, minus acre cochlearia, omni*  
*laude in scorbuto lento maius, EUGALENUS,* visci-  
dos humores incidit, & per diuresim eliminat, in succo  
potum, per se cochleatum sumptuum, aut fero, aut vi-  
no dilutum, unciae semis, unius pondere: Infunditur  
etiam ad manipulum unum in libra aquæ. Phthisicos  
*Crantz M. M. T. II.* F etiam

etiam curatos esse nasturtii aquatici, & lactis ebutyram potu, N. C. *Ephem. Decad. 2.* Anno 8. Iterum ad calculum renum, lapid. Cancrorum drachmam unam, in aquæ nasturtii e succo destillatæ unciis duabus eum semisse, probatæ virtutis remedium esse, *Ephem. Decad. 3.* Anno 7. 8. habetur. Dum cerevisiæ dolio aliquot brasicas rubras capitatas, minutim concisissas, cum duodecim manipulis nasturtii aquatici, vel cochleariæ, & libra recentis raphani rusticani, infunderent, integras familias a scorbuto curatas, hoc potu ordinario diu utentes, vedit *Illustr. L. B. van SWIETEN. Comment. T. III.*

*Conserua egregia est, effentia, spiritus laudabilis.*

PORRUM *Off. Botanic.* ALLIUM. Classis Naturalis Liliorum. *Germ.* Lauch. *Gallis* Pourreau. *Anglis* Leek. *Italis* Porro. Prafo.

ALLIUM staminibus alterne trifidis, foliis gramineis, floribus sphærice congestis, radice tunicata, cauli circumnata. *H A L.* Culinaris potissimum, medicis usibus raro adhibetur, tamen decoctum porri ex potentissimis solventibus calculi, *L O B B.* habetur.

PIPER INDICUM *Off. CAPSICUM Botanicorum.* Classis Naturalis Pauci stam. *Germ.* Indianischer Pfeffer. *Gallis* Poivre d'Inde.

CAPSICUM annum, igneum, rarius datur, hydropticis solum & asthmaticis utile, etiam glutinosum spontaneum domat. Dosis scrupulosa, ad grana quatuor. Hominum respirationi noxiun est, suffocat vapor omnes cimices, araneain, apes, panorpes, MARTINET de *Respiratione insectorum.* Piper miscis lethale.

SCIL-



SCILLA Offic. Botanicorum. Classis Naturalis  
Liliorum. Germ. Meer Zwibel. Gallis Squille.  
Anglis Sea onions.

SCILLA radice tunicata, acris admodum & cor-  
rosiva, recens viscidos humores potenter incidens, &  
solida exstmulans. Pura ad grana duo, tria, cum fac-  
charo trita, horrendas s̄epe in pectoris hydrope anxie-  
tates citissime, etiam insomnes noctes, orthopnœam su-  
stulit, TYSSOT de Hydrope. Cæterum præparata in  
asthmate, orthopnœa, Lethargo, hydropis tum alia  
specie, tum illa pectoris multum in usu est dosi grano-  
rum quinque, ad decem. Infunditur pariter a drach-  
ma una, ad drachmas duas in vino, quod tamen vo-  
mendi conatus excitat, quo casu aliis corrigendum est,  
ut aqua Cinnamomi lactea Baccis iuniperi, aut iuniperi  
spiritus, corticis peruviani virtute.

Cæterum acre, & penetrans remedium s̄epe in toto  
corpore s̄evos dolores ciet, imo & mobiles in convul-  
siones agit, utrumque tamen incommodum campho-  
ram auferre HALLERUS apud TYSSOTTUM testa-  
tur. Ventriculi vires deiicit, quos cortex erigit, &  
sanguineum solvit, ut in dissolutione humorum cum eo  
caute mercandum sit, & ubi scirrhus cum febricula, can-  
cer periculo non caret. TYSSOT de Hydrope.

Acetum squilliticum, & oxymel squilliticum heroica  
medicamenta sunt, vel per se cochleatim exhibita, vel  
aliis ad unciam mixta; mane & vesperi bina cochlearia  
aceti squillitici calculosus hausit, & multos calculos ex-  
crevit. Acta N. C. Vol. III. S̄epe tamen & hoc into-  
lerabiles anxietates excitat TYSSOT l. c. Terræ folia-  
tæ iunctum egregium est Hydrope remedium & a cau-  
sa frigida mucosa singultientibus plus una vice auxi-  
lio fuit.

SINAPI *Offic. Botanicorum. Classis Naturalis Cruciform. Germ. Senff. Gallis Mustard. Anglis Mustard. Italies Senape.*

SINAPIS *siliquis glabris, tetragonis, semen, maxime officinis receptum, acerrimum, corrosivum, externe corpori applicatum rubefaciens, utile, interne raro datur. Datur tamen in prophylaxim apoplexiæ pituitosæ, HOFFMANN, in curationem lethargi, paralysie. Ante paroxysimum febris intermittentis, maior dosis spiritu iuniperi diluta, assumpta, lethalis. L. B. van SWIETEN. Tamen scorbuticis prodest, CHOMEL. Externe in rubefacientibus, sinapismis, princeps, molioribus, ut unguento de Althæa, pulpa ceparum dilutum, intritum, tineam, & impetiginem sanat, FORESTUS. An tuto, emplastro subactum, faciei, ut hæc a variolis immunis præstetur, imponitur? ut id quidem fieri CL. ROSEN reliquit.*

TRIFOLIUM FIBRINUM *Offic. MENYANTHES Botanicorum. Classis Naturalis Pauci-stam. Germ. Biberklee. Anglis Buch-bean.*

MENYANTHES *foliis ternatis, multum saponacea, amara, antiscorbutica, & anti-arthritis, per excellentiam dicta, SIMON PAULI, SCHULTZ, Arthritidi præsentanca medicina, BOKELMANN, FRANGI, rheumatismo, podagræ utilis, etiam in nephritis laudatur, L. in obstructionibus, ictero sumnum remedium est, BOKELMANN, & asthamati hypochondriaco præsens subsidium, IDEM; cochlearia, nasturtio, in scorbuto efficacius, IDEM. Notari meretur, antiscorbuticarum vim in humido, & sapido esse, perire siccatis plantis, hinc in succo dandas, usum harum in hypochondriacis, melancholicis utilem. Pul-*

vis



vis radicis acrioris purgat drachinæ pondere. Plantæ manipulus semis infunditur in libra una seri lactis recentis, etiam succus in eodem datur, unciae semis, unius dosi.

VICTORIALIS *Offic.* ALLIUM *Botanico-rum.* Classis Naturalis Liliorum, *Germ.* Siegwurtz.

ALLIUM *radice oblonga, reticulo obducta,* ad spasmos abdominales gravidarum ex amuleto suspensum, laudat HALLERUS. Cæterum ad usus magicos plurimum adhibetur.

### III. INCIDENTIA SALINA.

SALIA dicuntur corpora linguae saporem imprimentia, aqua solubilia igne vel fluentia vel volatilia; hæc quidem omnia acida sunt vel alcalica vel media, possent etiam addi terrea. Quæ ad hanc Classem Attenuantium spectant, potissimum media sunt & alcalicas: de prioribus hic, de posterioribus Tomo III. potissimum dicam.

Sunt vero salia media, alias & Neutra, & Enixa dicta, ea salia, quæ intimori & saturationi acidi & alcali connubio exsurgunt: criteria igitur horum exactissima, eorundem principia sola esse possunt, docent syncrisis, diacrisis minime syrpus violarum ut contendere Pharmacopæi possent vide NEUMANNI *Commentat. de syripi violarum commissione ad probanda liquida insufficienti & fallaci Miscel. Berolin.* T. III. IV. insertam. CARTHEUSERI *Hydrologiam;* aquarum medi-